

TOKISO MONGOLONG: SARS E NTSE E IKEMISEDITSE HO BUISANA LE MEKGATLO YA BASEBETSI

Tshwane, 12 Phupu 2022 - Ditshebeletso tsa Lekgetho tsa Afrika Borwa (SARS) di lakatsa ho tiisa hore ditho tsa PSA le NEHAWU di kene boipilaetsong ho latela temoso e filweng Botsamaisi ba SARS ke mekgatlo ena. Ho qala hape ha seteraeke sena ho latela ho fanyehwa ha sona nakwana ke PSA ka Motsheanong mme boetapele ba mekgatlo bo bonshitse hore ba ikemiseditse ho tswela pele ka seteraeke sena ho fihlela SARS e ntlafatsa seo e se hlalisitseng.

Kganyetsano ena ebile ka lebaka la hore mekgatlo ena e hane keketseho ya motheo ya tjehele e kana ka R70 million bakeng sa basebetsi bao meputso ya bona ho rerisanwang ka yona.

SARS e boletse hore ha se yona e etsang qeto mabapi le matlole a yona empa sena se itshetlehile hodima kabo e etswang ho latela motjha o tsamaiswang ke Lefapha la Naha la Matlotlo. Tseko ya mekgatlo ya basebetsi ya CPI plus 7% ke e sa kgoneheng hohang ho fihlela SARS e fumana matlole a mang.

SARS e utlwelana le diphephetso tsa ditjhelele tse bakileng ho nyoloha ha theko ya dijo le mafura mmoho le ditshebeletso tse ding tsa bohlokwa. Boemo bona bo ama boholo ba Mafrikaborwa ho akareditswe le basebetsi ba SARS.

SARS e tla dula e hlomphe tokelo ya basebetsi ya ho kena seteraekeng e leng e sireleditsweng ke Molao wa Motheo ho bapa le dipehelo tse matla tsa molao, ha ka yona nako eo e ntse e nka mehato e hlokehang ho phethahatsa thomo ya yona ya molao ya ho sebeletsa balefalekgetho le bahwebi. Ho tla sebetsa motheo wa "ha ho sa sebetswe, ha ho tefo" basebetsing ba nang le seabo boipelaetsong bona.

SARS e tlaleha hore letsatsing lena la pele la boipelaetso ho bile le ditshitsiso tse seng kae tsa ditshebeletso tsa yona. Le ha a mang a makala a yona a ile a tlameha ho kwalwa ka lebaka la ho se be teng ha basebetsi, ka kakaretso balefalekgetho ba ntse ba tswela pele ho buisana le mekgatlo ka tsela ya lethathama la rona le batsi la ditshebeletse tsa onlaene. SARS e hlophisitse botjha bongata ba dikopano tseo e neng e na le tsona pele boipelaetso bona bo qala.

Ho feta moo, SARS e na le meralo ya hore mosebetsi o nne o tswela pele mmoho le mekutu e meng hore e nne e tswela pele ho fana ka tshebeletso ya bohlokwa ho balefalekgetho. Re ipiletsa ho setjhaba ho sebedisa websaete ya rona e tla dula e ntjhafatswa ka tsa moraorao tjena ho buisana le SARS ho phethahatsa boitlamo ba sona bo hlokehang.

Balefalekgetho ba kgothaletswa hore ba qobe ho ya diofisng tsa SARS.

SARS e ipiletsa ho mekgatlo ya basebetsi ho tswela pele ka boipiletso ba kgotso le ho hlomphe melao ya ho phiketa e boletsweng Melaong ya ho Phiketa ya CCMA e ntshitsweng.

SARS e botshitse hore e na le ponaletso ditabeng tsa yona tsa ditjhelele le maikemisetso a yona a ho buisana le mekgatlo ya basebetsi ho rarolla qaka ena. SARS e entse tsohle tse matleng a yona le ho latela matlole a teng ho teka tlhahiso ena ho mekgatlo ya basebetsi, e ntse e le teng. SARS e ikemiseditse ho tswela pele ka dipuisano le mekgatlo ya basebetsi mabapi le tlhahiso ena ya yona mmoho le tse mabapi le ho ntlafatsa tsa Boleng ba Basebetsi.

Ho fumana lesedi le fetang lena, ka kopo ikopanye le SARSMedia@sars.gov.za